





915302—
—915331 III
Mag. St. Dr.







915318

III

R. P. D.
VICECOMITE
Polocen. Bonorum.

Veneris 19. Ianuarii 1753.



Emel, & iterum jam confirmari promeruit res
 iudicata Rotalis approbans Donationem Piiissimi
 Regis Stephani Battorei, qui post recuperatum
 sub insigni Victoria Palatinatum Polocensem jam
 in heresim prolapsus è manibus Moschorum Prin-
 cipis, Templà, Ecclesias, & Possessiones, ac cætera Bo-
 na jam præcedenter Deo dicata, & à Græcis Schismaticis
 postmodum prophanata, & diruta S. Romanæ Ecclesiæ re-
 sti-

stituit, ac titulo Donationis de anno 1582. largitus fuit Inelita Societati Iesu sub onere tum erigendi in eodem Palatinatu Collegium ex quinquaginta Religiosis compositum, qui hæresi extirpanda, ac Catholica Propaganda Religioni incumbere, tum necessarias Parochias tum Seminarium pro Adolescentibus instruendis, tum Nosocomium pro Infirmis, ut videre est in *Decisionibus sub die 14. Maii 1751. & 24. Ianuarii 1752. coram Me emanatis*. Et quamvis Florianus Hrebniichi Archiepiscopus Polocensis, qui nomine etiam totius sui Cleri Ritus Græci hanc Donationem impugnare authumavit, nunquam in hoc extremo devolutivo sua jura experiri voluerit, nihilominus concessa eidem ex Sacri Tribunalis indulgentia post tot annorum spatium adversus hæc Decisiones nova audientia; Cum hodie pro tertia vice renovatum fuerit illarum examen, persistente adhuc laudato Archiepiscopo in sua contumacia, licet pluries monito, & lacesito, omnibus suffragantibus RR. PP., responsum fuit in *Decisss*.

2 Impugnari namque non poterat justitia hujusce rei judicata, ex quo Ven. Collegium Societatis Iesu post adimpletam Donationis legem, & erectum Seminarium; & Nosocomium, ac Parochias institutas, & Tempia reedificata ab anno 1582. in quietâ, & pacifica reperitur Bonorum omnium possessione in vim prælaudatæ Donationis coram Senatoribus, & omnibus Regni Proceribus expletâ, & quæ de anno 1585. in Supremis Regni Comitibus fuit ab eodem Rege confirmata, & inter solenniores Regni leges registrata, quæquæ insuper de anno 1605. à cla. mem. Cardinali Bernardo Maciequishi Summi Pontificis Pauli V. Legato à Latere in Regno Polonia ex speciali S. Sedis auctoritate confirmata fuit, Talis autem diutina, ac adeo longava possessio metam centeni temporis longè excedens, nemo est, qui non calleat, quod titulum undequaque firmum, & validum, ac omnino inelidibilem favore dicti Collegii subministret, ut, relatis antiquioribus Decisionibus coram bon. mem. Cornelio, & Gamaches, firmant tam dicta prima mea Decisio §. 3. quam secunda §. 2.

3 Nec subsistit infectio tituli hujusce Centenariæ promanans ex defectu sive voluntatis, sive potestatis in Stephano Rege donante. Quandoquidem defectus voluntatis patentissimè excluditur, inspecto Regiæ Donationis Diplomate, quippè in eo nedum comprehensa leguntur Bona Regalia, & ad Regiam Iuspatronatus spectantia, sed specialiter, & nominatim descripta apparent Villæ, Prædia, aliæque terrestria Bona à piis quibusvis Benefactoribus in Ecclesias & Loca Pia Ruthenici Ritus collata, idque ipsum habetur in Confirmatione Apostolica à prælaudato Cardinali à

Latere expleta; adeo ut procul ab omni veritate est, quod Rex Stephanus donans sola Bona *Regalia* donare intellexerit. Eò vel fortius quia intentio Donantis, & causa finalis Donationis ea dumtaxat fuit restituendi Deo, ejusque Ecclesiæ Bona omnia, quæ jam prius Deo dicata erant, ut cum nova Collegii, & Parochiarum erectione Catholica Religio pristino Statui, & decori restitueretur, propterea hodierno restricto examine ad Donationis validitatem, & subsistentiam, frustraneum est inquirere de qualitate Bonorum in ea comprehensorum, ut ponderat *ultima Decisio §. 4.*

4. Equè corrumpit defectus potestatis in Rege Stephano Donante. In facto namque absolutissimum est, quod idem Rex anno 1579. omnia hæc Bona, & Templà ab Hæreticis devastata, ab eorum manibus jure Belli vindicavit, & Clerici Ritus Greci in hæresim prolapsi non prius ad gremium Catholice Religionis redierunt, quam anno 1596., unde justè potuit idem Rex anno 1582. eadem Bona, & Templà, quæ jam in plenum dominium, & potestatem S. Sedis, & Catholice Romanæ Ecclesiæ transiverant, S. Romanæ Ecclesiæ, & Apostolicæ Sedi restituere, fundando, & erigendo ex eis Collegium, & Parochias ad propulsandam hæresim, & Catholicam Religionem restaurandam. Cumque huic adeò pio, & laudabili Regis facto superacceserit specifica S. Sedis Apostolicæ confirmatio, mediante approbatione hujusce Donationis expleta à Cardinali Legatò à Latere afferente ad id speciale habuisse à S. Sede mandatum, ac insuper longava, & pacifica subsequuta observantia annorum 140, perperam idcirco hodiè eadem Donatio ex defectu potestatis impugnari contenditur ex firmatis tam in *prima Decisione §. 5. quam in 2. §. 6.*

5. Nec talis specifica Donationis confirmatio, & approbatio Auctoritate Apostolica expleta impugnari valet, ex quo in Indulto Legationis in Regno Poloniæ commissæ Cardinali Macieuski concessa non legatur facultas approbandi Donationes de rebus Ecclesiæ, quæ est soli Pontifici reservata; Siquidem eò ipso, quod prælaudatus Cardinalis hanc explevit Donationis Confirmationem, non quidem vigore generalis Indulti Legationis, sed vigore specialium Litterarum, quas ad huiusmodi præcisè effectum à S. Sede reportasse asseruit, & professus fuit, prout ipsius assertio in dubium repocari non valet, ità nec potestas deveniendi ad huiusmodi confirmationem controuerti potest. Signanter quia Legatis, & Nunciis Apostolicis ultra generales facultates in Indultis expressas, aliæ quoque, & peculiare seorsim elargiri solent, ut Testimonium de hoc perhibuit clar. mem. Cardinalis Aldrouandus, qui in Hispaniis Nuncii munere functus fuit in sua huius Causa.

decisione diei 7. Februarii 1729. §. 10.

- 6 **E**o vel fortius quia in ipsomet Indulto Legationis à Sa. Me. Paulo V. commissæ Cardinali Macieouski expressè mandatur, quod in Concessionibus, Dispensationibus, aliisque Gratiis ab ipso elargiendis, plena ipsius assertioni adhiberetur fides, absquè eo quod speciales facultates eidem actui inferere adstrictus foret. Quamobrè si præfatus Cardinalis Donationem confirmavit *Auctoritate Apostolica, qua fungimur Nobis per speciales eiusdem Apostolicæ Sedis Literas, ad quarum insertionem non tenemur, concessa*, iam in propatulo est præfatum Cardinalem plenam ad huiusmodi explendam Confirmationem habuisse à S. Sede facultatem, nimisquè absolum foret assertionem adeò qualificati Viri tum ratione Dignitatis, tum muneris in dubium revocare ex relatis in *ultima mea Decisione §. 9.*
- 7 Omnisquè remouetur difficultas, ex quo expressè Confirmationi S. Sedis superaccessit quoquè tacita, & virtualis resultans ex plusquam centenaria eiusdem Donationis observantia. Cum enim in tanto temporis decursu nemo adfuit, qui Donationem ausus sit impugnare, proût ex hac longæua centeni temporis observantia, quilibet melior, ac magis proficiuus de Mundo titulus subministratur, ita eadem exuberat ad præsumendum tum interuentum specialium facultatum S. Sedis ad Donationem confirmandam, tum etiã ipsammet Summi Pontificis specialem approbationem ex integro superuentam, vt plenè ratiocinatur in *dicta ultima Decisione §. 10., & seqq.*
- 8 Infelicitèr autem vis huiusce Centenariæ elidi prætendebatur, vel ex eo, quod Archiepiscopi hanc Donationem ignorauerint, vel ex nonnullis molestiis, quæ variis temporibus asserunt Collegio illatæ. Vltrà quod enim ignorantia Donationis in Archiepiscopis non est vlllo modo conciliabilis cum molestiis, quas intulisse asserunt Ven. Collegio. Insuper respectu ignorantie, hæc penitus eliminatur, nedum quia res est de Donatione à Rege Stephano cum eximia solemnitate expleta, eidem subscriptis Proceribus, & Senatoribus Regni, in volumine Legum Regni registrata, ac in publicis Comitibus cum omnium Ordinum consensu ab eodem Rege confirmata; Verùm & fortius quia ipsimet Archiepiscopi Polocenses de anno 1595. & 1599. iudicialitèr fuerunt compulsi ad restituendum nonnulla Bona in eadem Donatione comprehensa, Ven. Collegio, & Iudicio paruerunt, & quieuerunt. Quodquè magis vrget, B. Iosaphat Archiepiscopus Polocensis anno 1612. quoddam Prædium in præfata Donatione comprehensum illicò, & incunctanter Ven. Collegio restituit, & consignavit, asserens id explere in obsequium

55

veritatis, & iustitiæ. Quæ omnia manifestè excludunt
quolibet Archiepiscoporum ignorantiam, vnaquè simul in-
superabile robur addunt centenariæ, ac inconcussa eius-
dem Donationis obseruantia ex cumulatis in dicta ultima
Decisione §. 13.


9 Quouero ad molestias, quæ variis temporibus supponuntur
illatæ. Si sermo sit de illis à Theophanes Archiepiscopo
ab anno 1582. ad annum 1596. illatis, istæ sperni omnino
debent, nedum quia præcesserunt Centenariam postmo-
dum effluxam; Verum & fortius quia de eo tempore idem
Archiepiscopus, cæterique Russiæ Episcopi in hæresim
lapsi, in ea adhuc miserè languebant, vt testantur Ma-
gnates Palatinatus Polocensis, & Vittebescensis, & re-
fert *Baronius in Dissert. de Ruthenis impress. tom. 7. An-
nal. à num. 5. ad sequen.*, & *Bulla Sa. Mc. Clemen-
tis VII.*, idemquè dici debet de Protestationibus emissis,
anno 1604., cum istæ expletæ fuerint à Clericis, vel Ec-
clesiis adhuc ad Gremium, & Vnionem S. Sedis Apосто-
licæ non reuersis,

10 Si verò proferatur recursus habitus de anno 1668. ad Sac.
Congregationem de Propaganda Fide, quæ rescripsit =
Nuncio pro Concordia =, cum eo nunquam vti ausus fue-
rit Archiepiscopus sui mali iuris plenissimè edoctus, nul-
lius remanet efficacitæ, Proût quoquè euanida redditur
reclamatio moderni Archiepiscopi, quæ asseritur de anno
1701., quamuis reuerà non prius quàm anno 1725. fue-
rit effectuatæ, quia hæc processit post iamdiu completam
Centenariam, & iam pendente hoc litigio. Cumquè
omnes huiusmodi molestiæ non exceßerint limites verba-
lium conquestionum absquè vlla citatione Collegii, pro-
pterea aptæ iudicari non possunt ad vim, & efficaciam
Centenariæ interrumpendam, vt concludit dicta ultima
Decisio §. finali.

Et ita vniuerso suffragante Auditorio resolutum fuit
vnica &c.

ROMÆ MDCCLIII.
Ex Typographia Reu. Cam. Apost.


Superiorum facultate.



Brutalny morderca
dotychczas dawał mi
to mych wspaniałych podręcznik

Le. 000





B 6008 5



stdr0022364

Biblioteka Jagiellońska

